

AWHÀNGBIGBA MATIN AVÙN

2 Otànnugbo lẹ 32:1-23; 2 Ahọlu lẹ 19:14-37

NUPINPLỌN 344 – Na Mẹwinyanwinyan Lẹ

Nupinplọn Do Tamẹ: "To míwẹ de wẹ OKLUNỌ Jihwéyẹwhe mítọn te nado goalọ na mí, podọ nado funawhan mítọn lẹ" (2 Otànnugbo lẹ 32:8).

Vivẹnudido To Azọn Oklunọ Tọn Mẹ

Hẹzekia yín omẹde he ma nọ wàzọn Jihwéyẹwhe tọn do agbòte. Hia nupinplọn 340 hiẹ nasọ mọ azọn titegbe he e basi. Odoná Jihwéyẹwhe tọn nọ hodó yé mẹhe yí ayiha yetọn lẹpo do sẹn Oklunọ lẹ; yé nasọ wà dagbe ga, kẹdẹdi Hẹzekia tọn nkọ.

Whenuena gbẹtọ lẹ to azọnwà na Oklunọ, ojłẹ sùsù mẹ wẹ satani nọ to huhlọn etọn zán nado glọnalina azọn lọ. Jesu dọ otàn de to whedenu dogbọn dawẹ de tọn dali, he to nùkún dagbe dó do ogle etọn mẹ. Şigba Kẹntọ wá to ozánmẹ bo sọ dó ogbẹ ylankan do likún mẹ, bo sọ tọn yi (Matiu 13:24,25).

Nùzínzán Ahọlu Ylankan De Tọn

Mí mọ to oplọn helọ mẹ dọ kẹntọ to tẹnme din nado glọnali na azọn he Hẹzekia, ahọlu dagbe helọ jlo na wà na Jihwéyẹwhe. Sennakelibi ahọlu Asilia tọn tite po awhánvipe etọn lẹpo, bo sọ glọn otò dòkọnọ Juda tọn lẹ dó, e yí lẹn nado gbawhan yetọn. Be ewọ ma ka ko dùji to awhán sùsù he e ko fun lẹ mẹ? Sà pọn ẹn po awhánvipe etọn lẹ po he sù hú gbẹtọ fọtọn kẹnnẹkoatọn (185.000), e şẹ nado to nùzan dọmọ: "na yẹwhe akọta kavi ahọludù depope tọn ma ko tin sọgan nado whlẹn omẹ etọn lẹ sọn alọ şie mẹ gba, . . . whẹpo dọ Jihwéyẹwhe míwẹ tọn na whlẹn mí sọn alọ şie mẹ?" Etẹ wẹ Sennakelibi to didọ he? Be ewọ ma to didọ dọ Jihwéyẹwhe Hẹzekia tọn tẹ sọ yín madohúhlọnnọ hú yẹwhe akọta kosi nełẹ tọn? (2 Ahọlu lẹ 19:12,13). Mí gbọ mí ni pọn hlan.

E taidi dọ ohó ne lẹpo he Sennakelibi dọ hlan Hẹzekia dali ma tẹ whàn ẹn gba, şigba whenuena yè mọ owé yí ehe gọna ohó ovlẹ tọn hlan Oklunọ Jihwéyẹwhe Israeli tọn dali, mẹhe Hẹzekia yiwanna, bo to taliaina, bo sọ to sinsẹn, ehe e to tónusena, ehe lọ hugan onúhe e sọgan doakọnna.

Otùdido Hẹzekia Tọn

Be Hẹzekia ka dó awhánvipe etọn lẹ hlan jẹgbonu to afọdopo ne lọ ji nado hoavùn hẹ kẹntọ to ojłẹ helọ mẹ, he yè ko wleawu awhánvipe etọn lẹ dai dagbe dagbe? Yè ko şinyan awhannukongán lẹ, yè ko dó odòkọ lẹ, yè ko sọ tùn avùnhonu lẹ dai sùsù talala. Onúpọpo ko sọgbe vọ, şigba otugbigbo Hẹzekia tọn ma tin to onú nełẹ depope mẹ gba.

To otòhomẹ wẹ e ko dọ na awhánvipe etọn lẹ dọ na yé nì ma dibú na ahọlu helọ blo, kavi awhánvipe sùsù he tin to e de lẹ, na "kiklohugan de tin to mí de hú to yé de". Huhlọn awhánvipe sùsù lẹ tọn he tin to Sennakelibi de go wẹ ewọ dotudo: şigba Hẹzekia dọmọ: "To míwẹ de wẹ OKLUNỌ Jihwéyẹwhe mítọn te nado goalọna mí, podọ nado funawhán mítọn lẹ". Pọn ohó otùdohomẹname tọn helọ sọn onú nukọntọ yetọn tọn mẹ! Ehelọ dè obú şẹ sọn ayiha ogbẹ awhánvipe Juda tọn lẹ tọn mẹ, yé tindo otudido to nukọntọ yetọn mẹ.

Nukọntọ Nugbonọ Lẹ

Nawẹ ayiha mítọn gọ na opẹ sọ to egbẹ he dogbọn nukọntọ he hẹn oteninọ yetọn lẹ dali na Jihwéyẹwhe bọ yé sọ to otùdohomẹ na mí nado dotudo Jihwéyẹwhe Hẹzekia tọn go! Eyín mí yín tadagbenọ sọmọ bọ mí do tindo nugopọntọ lẹ, yẹwhenọ lẹ, po devizónwàtọ Jihwéyẹwhe tọn lẹ po, to Wẹndagbe mẹ, he sọgan yí otùgbigbo do dotùdọ Jihwéyẹwhe go whenuena kẹntọ fọn po huhlọn etọn lẹpo po, e jẹ na mí ní yọn kiklo yetọn na mí ni sọ "nọ doyeyi ogona yé talala to owanyi mẹ na azọn yetọn wutu" (1 Tẹsalonikanu lẹ 5:13).

Whẹpọponu wẹ mí nọ mọ mẹdele he jlo nado hẹn yise mẹhe dotudo Jihwéyẹwhe go lẹ po nukọntọ yetọn lẹ po tọn gble. Mẹdele na dọmọ: "hiẹ sà ko sinai to Etọn kẹdẹ kọn," kavi dọ yé nì dọ kẹdẹdile Sennakelibi ko dọ do, "mí dike Hẹzekia klọ mí blo, kavi hòwhiwhe mí . . . mọ mí sọ yí sè blo". Şigba míwẹ yọnen nugbo dọ Jihwéyẹwhe tin hẹ mẹhe Ewọ şinyan lẹ nado nọ penukundo opá Etọn go, ojłọjẹ podọ dagbe mítọn wẹ nado dotudo yé go patapata.

Odè, Avùnhonu

Şigba awhàngbigba ma ko wá gba, onúde tin he yé do na wá ga. Ohó otùdohomename tòn nọ basi alogó nado dotùhomèna mēhe obú to didi lẹ. Ohó ayiha fón name tòn nọ basi alogó sùsù nado fón yise mēhe nuşikona lẹ tòn. Şigba mí tindo nude nado wá hugan dọ mí ni dọ na azòntọ dọmọ: "dèji, hiẹ nasọ gán!" Onude sọ tin he hugan dọ mí ni konú dèdè kavi dọ mí ni dọnudo gbẹtọ lẹ dogbọn alọ name dali kavi dọ mí ni hẹn vòvó dagbedagbe lẹ wá na mēhe tin to madogan mē lẹ he tin to tukla azòn tòn mē kavi nùşikọ. Nugbo, onú he lẹ yón sùsù nado basi, şigba avùnhonú devo he yonwhànpe hugan tin nado hoavùn hẹ kẹntọ. Avùnhonu helọ wẹ odè, avùnhonu dopo akàn he yè do nọ gbawhàn kẹntọ tòn, e ma yín odè pẹvide na nukunhwihwe awe gba, şigba odèhò bo mọnuyi he tin ai kaka ogbegblọn nado wá.

Jakọbu hodè kakajẹ afonnu, yè sọ yigbena odè eton (Genesisi 32:24). Elija hodè whla şinawe whẹpo e do mọ ogbeyina eton yí (1 Ahọlu lẹ 18:43). Hanna teşi odè kọn po avi po to nukon Oklunọ tón kaka e do hodè bo mọnúyí, mọwẹ "nukunmẹ eton ma sọ yín awublanọ ba gba" (1 Samuẹli 1:10-18). Odè mọtọn nkọ lẹ wẹ nọ whàn alọ Jihwéyẹwhe tón to egbé he.

Odè Hezekia Tón

Le mí to linlẹn dogbọn Hezekia ahọlu tón dali, mí dibla yí nukun gbigbọ tón do mọ ẹn le e to ohọ Oklunọ tón mē biọ yi. Pinpón hlan nukunmẹ eton tón dó vivenuídido he tin to ayiha eton mē hia e sọ yí owé lọ, he Şennakelibi, ahọlu Silia tón, wlan nado vlẹ Jihwéyẹwhe Israeli tón hẹn do alọmẹ. Hezekia jẹklo to odè mē e bo sọ dọmọ: "Oklunọ E, Jihwéyẹwhe Israeli tón,...Hiẹ wẹ Jihwéyẹwhe , yèdọ Hiẹ sọkèdẹ". To odè eton mē, e yigbe dọ ahọlu Asilia tón ko và akọta devo lẹ súdo, e ko sọ zé vodun yeton dlan miyon mē. E sọ dọ ga dọ: "na yé ma yín yẹwhe de gba, adavo azón alọ gbẹtọ lẹ tón lẹ, atin po zánnu po; Enewutu yé ko sù yé do". E vẹ Jihwéyẹwhe dọ: "whlẹn mí sọn alọ eton mē, yẹn vẹ we, na ahóludù aigba tón lẹpo nido yonẹn dọ Hiẹ wẹ OKLUNỌ Jihwéyẹwhe, yèdọ Hiẹ sọkèdẹ".

Jihwéyẹwhe ma na gboawupo nado yigbena odè he sọn ayiha mēdepope he to zònlizin he Jihwéyẹwhe madonyigodo tón mē, kẹdẹdile Hezekia ko wá do gba. Jihwéyẹwhe do wenzagun de hlan sọn Isaia yewhegán Jihwéyẹwhe tón de nado dọ na ẹn dọ: "yín hiẹ ma tlẹ hodè hlan mi hlan Şennakelibi . . . yẹn ko sè we" (2 Ahọlu lẹ 19:20). Oklunọ dọmọ Şennakelibi ma to na wá otò he mē gba, mọ ma to ogá de na sẹ do finẹ gba, e ma to apóhọnu na hẹn wá nukon towe gba, şigba dọmọ aliho lọ he ji e gbọn wá, dopolọ wẹ e nasọ gbọn lẹgọyi. "Na yẹn na yíwhè do tódaho he ji nado whlẹn ẹn, na oyín şie titi tón wutu podọ na Davidi mēmẹşi şie tón wutu".

Awhangbigba

Hezekia ko fúnawhàn lọ gbọn odè dali, awhangbigba ko sọ wá vọ. Yè ma dè osò, mọ yè ma sọ sẹga gba, mọ azọ ma sọ fòntite to osla kẹntọ lẹ tón mē gba. To zànme, whenuena awhanvipe Jihwéyẹwhe tón lẹ to gbigbojẹ jijohe mē, Angẹli Oklunọ tón dá gbọn osla kẹntọ lẹ tón mē wá yi. To afonnu flifli mē, whenuena omẹ Hezekia tón lẹ fón, yé mọ dọ gbẹtọ fótón kẹnẹkoatón (185.000) wẹ yín oşiq to osla kẹntọ lẹ tón mē! Şennakelibi goyitọ podọ nùzántọ, lẹgọyi aigba eton ji to oflujijẹ mē podọ po winyan po.

Oklọ Lẹgba Tón

Aliho he yẹwhe aihon he tón gbọn do to azónwà wẹ ehe lọ, e na nọ dopagbe awhangbigba tón, ayajẹ tón, adokun tón, jijohe po dagbe po tón. Ojlẹ sùsù mē wẹ eyin dọ yé mēhe yí oklọ eton sè lẹ ma nọ mọ dagbe de yí gba, nukundido, po yeyi yeton lẹ po nọ yín ovó. Oviyonnu sùsù wẹ yẹwhe aihon he tón ko tónnukunna, sọmọ bọ yé do zé whanpe po awhlimẹ yeton po sà dogbọn oklọ lẹgba tón dali, yé sọ lẹzùn omẹ gbigble. Mọkèdẹ wẹ lẹgba ko klọ yọpọsunnu delẹ dogbọn dido opagbe oyindidi tón po akuẹ sùsù tón po na yé podọ nado hẹn yé lẹn dọ yé sọgan wá ylando podọ ga dọ ylando yeton ma na sọawuhia gba.

Oklunọ Jihwéyẹwhe, Ogbèdetọ Onúpopo tón

To ojilẹ helọ mē, Jihwéyẹwhe dopo he do huhlọn hú Nisłoki yẹwhe Şennakelibi tón ko gbawhan eton, eté! Nisłoki ko flu we, Şennakelibi. Etẹwutu wẹ hiẹ ma do lẹgọ do Jihwéyẹwhe Hezekia tón de? Etẹwutu wẹ hiẹ ma do yigbe dọ Ewọ, yèdọ Ewọ sọkèdẹ wẹ Oklunọ Jihwéyẹwhe?

Şennakelibi sọ lẹkọyi ohọ nisłoki tón mē nasọ do litai to nukon vodun unbọpen helọ tón whla dopo dogó. Jihwéyẹwhe to olon lẹ mē mọ popolepo. E pe lo! Ehelọ wẹ ojilẹ godo tón Şennakelibi, he

hiẹ nado sẹn yẹwhe towe helọ kavi yẹwhe devo. Ohọn lẹblanu tọn ko sù do we. Tẹnmẹ nado lenvojo ko jùyi sọn dewe. Ovi etọn lẹ wẹ sọ yí ohí do hù i to azán dopo helọ gbè to ohọ vodún etọn tọn mẹ. "Eyín ylandonọ tẹ wà oylan whla kanweko, bọ azán etọn sọ dite, şigba nugbo, yẹn yonẹn dọ e na yón na yé he dibúsi Jihwéyẹwhe lẹ" (Yẹwhehódọtọ 8:12).

OKANBIỌ LẸ

1. Etẹ wẹ Hẹzekia basi nado whlá otò etọn? Be otùdido etọn ka tin to onú helọ mẹ?
2. Dọ ohó otùdido tọn he e dọ na awhanvipe etọn lẹ. Be awhanvipe etọn lẹ ka dotùdo nukọntọ yetọn go?
3. Ohó zédaga tọn tẹ wẹ Sennakelibi dọ? Be yè ko gbawhan etọn pón?
4. Owé tẹ nkọ wẹ e dóhlan Hẹzekia?
5. Etẹ wẹ Hẹzekia basi whenuena e mọ owé nẹ lẹ lọ yí?
6. Nawẹ e wàgbon do yonẹn dọ yè ko yigbe na odẹ etọn?
7. Etẹ go wẹ Sennakelibi dotudo?
8. Dọ nuhe jọ to osla Kẹntọ lẹ tọn mẹ to ozágbodawemẹ.
9. Etẹwẹ opòdo Sennakelibi Tọn?
10. Etẹwẹ oplón helọ to pinplón mí?